



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

I. *De partium Septentrionalium quibusdam affectibus & remediis. Autore Philippo Lloyd. M. D.*

BAlnea nuspian frequentiora sunt quam in Lithuania: Balneum ingressi postquam largiter sudarunt, cucurbitas sibi apponi faciunt, aut virgis tergum cædunt usque ad insignem ruborem: Inter Cosacos quoque si quis graviter infirmatur, Balneum ingreditur, & corpus tegunt certis herbis, partique dolenti applicant certum Cornu Cavum ad vesicam attrahendam, quâ ruptâ effluit ichor varii sæpe coloris, flavi, viridis, & nigri, & patiens convalescit; varietas autem ista colorum, herbis quibus patiens tegitur aut Cornu fuco aliquo imbuto adscribi debet. Cosacorum quoque Cura multum in Aqua Vitæ, aut Jusculis acidis cum oleo & pipere ad sudorem eliciendum, consistit: nec abstinere in Diæta à carnibus cum aceto & cæpis coctis, quod Bigost vocant: Sicuti autem istæ nationes pharmaceutica non multum æstimant, ita vice versa sunt prodigales quoad ea quæ ex fonte Chirurgico petuntur, ut Ven. Sect. usum Sanguisugarum (quas etiam palato & gingivis intro applicant) fonticulos, & trepanationem, cujus usus est valdè frequens in Suecia bono cum successu; habent enim Sueci capita satis dura & ursina. Apud Moscovitas usus herbæ Theæ ob viciniam cum Chinesibus frequens est, non solum in decocto sed in substantia pulverisatam sumunt pondere ʒs. cum Aqua Vitæ.

Sunt apud ipsos pastilli certi odoriferi & flavi coloris in usu; per nares attrahunt pondere gr. iv, ore aperto. Per 2 horas tanta copia muci visceridi rejicitur, quantum vix Catharticum eliminare possit, quo remedio curant omnes affectus Capitis à frigida causâ ortos: aliqui hauriunt fumum Sabaci, non per vices, sed simul & semel, ex tubulo capaci de hoc fumo quantum possunt deglutiendo; tunc corruunt in terram non aliter quam Apoplexia tacti; somnum abbreviat superveniens vomitus & alvi perturbatio, quod etiam si non superveniat, postquam expurgantur capitis levamen sentiunt, & sunt ad omnia bene dispositi.

Natio Tartarorum ut plurimum à teneris lactis & carnis Equinæ pabulo assueta, in continuis equitationibus Medicinam quærens, præter externa eaque Empyrica, pauca interna excolit remedia; v. g. dum quis graviter infirmatur, & est suspicio febris malignæ, tunc capiunt lepusculum juvenem, cui incidunt arteriam Carotidem, & sanguinem sugit ager quamdiu poterit, postea pelle detracta & calente tegit caput, seque ad sudorem & somnum disponit: dum quis ex captivis aut servis feбри corripitur, tunc apprehensâ Comâ ipsū aliquantisper exagitantes & circum rotantes in aquam profluentem projiciunt, hocque modo humores & spiritus alterando procurant feбри fugum. Hæc

Hæc sunt quæ ab amico in Castris accepi, qui diu versabatur in locis istis Septentrionalibus: idem mihi retulit Coronidis loco dari obfascinationem solo aspectu inductam in Lithuania præsertim (Credat quis vult) ubi homines effluviis subtilibus ex oculis emanantibus non modo aliis noceant sed etiam animalibus: hoc mali genus Uroki appellatur: ad quem effectum producendum requiritur approximatior corporum vicinissima, & deinde ne alter altero stet notabiliter editiore loco: curantur tales præcipue balneo, Origano, Hyperico, aliisque herbis parato; suffumigio ex crinibus, unguibus aliisque partibus ipsius obfascinatoris si fieri potest, & demum sudoribus.

Inter Tartaros si quis ex Equo vel aliàs graviolem passus est Casum, ante omnia illum stimulant ad urinam, dein Venâ sectâ Offa Equorum combusta vel certum albi boli genus quo Terra illa abundat, ad ebibendum præbent.

Lac equinum acidum factum est illis universale omnibus morbis calidis refrigerium, imo balsamicum Stomachale.

In variolis infantum, loco venæ Sect. apponunt Moscovitæ cucurbitulas scarificatas clunibus, subinde sanguisugas. Emulsionem parant ex semine Napi, haustu imponunt album græcum.

Poloni habent certum medicamentum alimentosum ipsis familiare Barit. dictum, quod fermentum stomachale acido suo suaviter restaurat, & Polonicæ Nationis crapulas, ex largiori, cremati, mulsi, & vini generosi, haustu, vel ex Ciberum calidiorum copiâ contractâ conveniens: hoc edulii medicamentosi generis ex Branca ursina, vel ex solo pane filigineo fermentato suo modo, conficere norunt in forma decocti herbacei aquosi.

Cæterum si quis infirmus incipit, & comparitur de ingenti capitis dolore, tremoribusque, & aliis signis, &c. Statim formatur Plicia de plica sine Kolkom, & aliis, quæ tātagent quam plicam in Capitis capillis procurare. In hac Plicione ex branca ursina aliisque herbis, vel saltem melle & vino sæpius lavando Caput efficiunt. Plicâ ita procuratâ, in capite, videtur ipse morbus mitescere materia morbificâ quasi criticè sic transitâ, & naturæ totum relinquitur opus: quod plane indicat hunc morbum ab alia causâ quam neglectu peffinationis produci; si quis peffinando divellere aut Capillos abscindere tentat, in alium incidet morbum, & sanguis sæpe effluit tanquam ex venæ ramulis pilis abscissis; nec mirum hoc videri debet, cum pili ex arteriæ, venæ, & nervorum ramulis in Capsula inclusis, & postea extensis formentur; ut patet autop-

fia.

sia ; ope microscopii in pilis barbæ felis aliorumque animalium.

Quicquid de causâ Plicæ tradunt authores vel nimis genericum est vel imperfectum & insufficiens : nam quod ad aquas in Russia spectat, etsi certum sit ex illarum haustu causari, unde etiam dum exercitus militaris illas partes transit ad aquarum istarum vada aliæstant vigilantes milites transeuntibus prohiberi ne similes aquas hauriant. Quæritur quomodo illi qui ad 100 leucas inde distanti habitant & ultra Plicâ corripuntur ? nisi forte nobis persuadeamus aquæ illius ex Russia venas propagari per totam Poloniam.

Causa intrinseca in glandulis subcutaneis constitui potest, quomodo plures earundem ductus & pori conjuncti sunt ac obliqui, ex quibus deinde pili copiosiores angustiore in loco positi, accedente simul glandularum succo nimis viscido, intrlicantur & complicantur ; sed & ista causâ cum extra Poloniam dari possit, ad morbi Endemii naturam, sola non sufficit : quomobrem causâ adæquata passim in Contagio partim rerum non naturalium uti incongruo quærenda : de contagio non dubitandum, cum familiare sit itinerantibus lectos secum circumvehere : aer satis rigidus Boreali acido coagulante abundat, unde transpiratio pituitæ illius glutinosæ circa pilorum radices hærentis facilè impeditur, vel maxime dum Poloni nudato Capite frequenter incedere consueverunt.

Laborantes hoc morbo habent appetitum in certum objectum defixum alii solam Aquam expetunt, alii crematum, alia potulenta averfantes : ex similibus remediis in scorbuto juvantur.

Præter febrem malignam Hungaricam dictam, occurrunt alii morbi levioris momenti. Endemii ut Czemer, porcellas Cassoviensis, strumæ.

Czemer est tumor aliquis sub carpis manuum a latere supra arterias ad instar nodi alicujus mollioris, dolorem dum tangitur excitans ; curatur emetico & sudoriferis.

Porcellus Cassoviensis est tumor durus instar porcelli, regioni lienis incumbens incolis Civitatis Cassoviensis familiaris, estque schirrosa dispositio lienis cum flatibus Colon obidentibus : curatur aperitivis.

Strumosi in Hungaria non reperiuntur nisi circa montanas civitates ubi auri sunt fodinæ propter aquas mercuriales & effluvia mineralium : decresciente Lunâ spongiâ combustâ fumum ore excipiunt strumosi & residuum Cinerem mellis admixtum devorare solent in principio ; nam strumæ inveteratæ nullam admittunt Curam.